

湖自謂將有湖山之志書此壯之

君我相逢姓又同莫將高尚托虛空而今氣象兼舒慘自古賢  
豪善始終千載西湖多隱遯六橋南渡老英雄騎驢放艇留佳  
話請與先生道此風

天目閒居歌

臨安秀氣鍾天目晨朝自放白雲出石澗高注兩峯頭波光圓  
淨如日月道家三十四洞天瓊瑤函萬古傳結廬小佳山之  
巔青鸞白鹿共周旋閒來便到杭州去笑傲湖山得真趣化作  
游僧倚杖行三生石上誰相遇梅花嶼楊柳堤瑤笙畫舫自東  
西道人長嘯歸山去回觀世上煙迷迷

道藏輯要

三丰全集 古今詩類

三

續畢集九  
川卷上

贈廣海和尚

深入浮屠斷世情奢摩他行恰相應天花隱隱呈微瑞風葉琅  
琅咏大乘室密書開雲作蓋庭空夜靜月爲燈定中萬象無何  
有到此誰能見老僧

遇家伯兩外史杭州人

看破浮生遠市寰歌聲踏踏上茅山老兄贈汝無他物惟有仙  
家一味閒

遊金陵贈沈萬三

秦淮落落大漁家看破浮雲似暮霞乘月泛舟沽綠酒感君從  
我問丹砂黃中妙理何人識白下英雄此箇誇願把貲財參道

法一堂妻子不咨嗟

別萬三

羣雄擾擾盡征戡我與先生把道談今日東南王氣盛他年晤子到西南

西湖二首

湖上紅亭亭上人亭前水寫眼前身青蓑綠笠何為者我是煙波畫裏真

人歌人笑滿朱舫楊柳長亭復短亭卻愛漁翁閒雅甚自搖小艇到西冷

贈金粟道人

道藏輯要

三丰全集 古今詩類

三 續畢集九

玉山佳處好園亭多少游人入畫屏幕地將來都撒去清心澹

慮水泠泠

還蜀吟

六合是我家一曜為我燭我雖遼東人游蜀似還蜀淡淡巫山雲鬱鬱我眉月鮮鮮錦江波熙熙巴子國到處闡立風顛狂自怡悅鸞馭止何方又到青城宿

歸秦

自蜀來秦不避秦西秦久住似秦人寶鷄石上題詩句誰識道造物外身

大元至正二十六年丙午暮秋金臺觀游塊七日歸來付